

四庫全書

集部

欽定四庫全書

集部

南湖集卷二

詳校官庶吉士

臣

范逢恩

主事

臣

呂雲棟覆勘

膳錄監生

臣

章儔

欽定四庫全書

集部四

提要

南湖集十卷

別集類三

宋

臣等謹案南湖集十卷宋張鉉撰鉉字功甫號約齋循王俊諸孫家本成紀徙居臨安官至奉議郎直秘閣宋史不為立傳而其事蹟之散著他書者猶可考見梗槩葉紹翁四朝聞見錄稱寧宗誅韓侂冑鉉預其謀史彌遠

以韓大臣近戚未有以處鉉曰殺之足矣史
曰真將種也因心忌之及侂冑既誅鉉賁伐
自言史謂不當居功諷言者貶鉉於雪後以
旨放還周密齊東野語癸辛雜識又稱鉉本
善侂冑被誅前一日為其愛妾生日鉉猶攜
庖夜宴故侂冑不疑及賁不滿意復欲以故
智去史事泄謫象台而卒据諸書所云是鉉
本以機數立功名有忍驚之才而心術未為

純正密作武林故事又稱鎡卜築南湖名其
軒曰桂隱園池聲伎服玩之麗甲於天下園
中亭榭堂宇名目數十且排纂一歲中游適
之目為賞心樂事是其席祖父富貴之餘湖
山歌舞極意奢華亦未免過於豪縱然其詩
學則頗為精深如尤袤陸游辛棄疾周必大
范成大諸人皆相傾挹而楊萬里尤推之誠
齋詩話謂其寫物之工絕似晚唐又有寄張

功甫姜堯章詩尤蕭范陸四詩翁此後誰當
第一功新拜南湖為上將更差白石作先鋒
其意直躋諸姜夔之右矣其集久佚不傳揚
士奇文淵閣書目雖載有張約齋南湖集一
部五冊藏弄家亦皆未見今檢永樂大典各
韻中收入鎡詩尚多詳其格律大都清新獨
造於蕭散之中時見雋永之趣以視嘈雜者
流可謂脩然自遠詩固有不似其人者鎡之

謂歟鎡又工於長短句有玉照堂詞選本多
見採錄而原本亦久散佚謹哀集編次以類
相從釐為詩九卷詞一卷用存其畧永樂大
典所載多題曰湖南集以諸書參考知為傳
寫之誤今亦從改正焉乾隆四十六年九月
恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

南湖集提要考證

第一頁後二行 賡伐二字係葉紹翁四朝聞見錄原文蓋亦自陳功績之意然未見所出今姑仍之附識

欽定四庫全書

南湖集卷一

宋 張鎡 撰

五言古詩

雜興

聖學律萬世玉振仍金聲大賢務矯俗始以和自名
智者稽所終流弊固難行求圓能捨規魯男烏可輕

城河固金湯穀帛堆丘山雷風走號令足以威百蠻
秦人昔恃此燒書無愧顏叢祠夜篝火赤蛇先據關
誰知

小國魯抗衡齊晉間獨能秉王禮足以銷鄰姦舞干服
三苗可仰其可攀

原子何所得所得在養心澹然處窮閭蓬蒿絕車音結
駟者誰子排門願同襟乃知能辯者於道未為深

日暮前道遠紛紛倒行多胡不秉明燭整駕歷前坡既
衰不戒得有如聖言何平公七十翁師曠猶琢磨

管仲相齊國童子猶羞稱確守害霸說三王亦可成寸
短有所長貪賢況誠切莫問九合功詠此宜擊節

文仲蔽展禽難逃竊位名張湯法家流推賢被嘉聲公
道日月如無私天下行治古本根此所以休甲兵嗟嗟
祁大夫舉善何其宏曰讐吾甚惡曰子非私情一旦俱
薦引晉伯由此成後世益多嫌山林老公卿

伯牙善鼓琴知音一子期已得慰生平絕絃勿復悲深
沉揚執戟玄文準伏羲千年未願賞豈欲求當時

泱泱古齊邦中有秉節臣其國不能舉燕師知寵珍生
不食君祿執或去諸鄰莫往徑絕脰用愧軒冕人當年

處高位十萬當逡巡所以休明時朝廷足嘉賓

善人所至處鳳儀氣芝蘭同德自相求肯因休顯看後來世道交祗趨勢與官廉頗共瞿公雅抱常自寬

小器酌升斗渠寧同金鍾心公德始宏一介稱能容將軍見何卑偏忌相如功卓哉全璧賢懷才肯爭鋒悔過猶可稱服善交情終

吳起棄骨肉用釋魯君疑蕭何買田宅更要漢祖知結繩可息爭書契計已癡反覆者人心周防良足悲曾參

殺人謗三至母信移君臣不易逢終始貴難離

金珠不解憂麴蘖堪適情隘哉沉湘人獨以醒自名生
居禁酒國焉得壺觴傾閉門求一醉無乃干天刑若伊
曠懷襟道在寧營營詳觀中聖言當與智者評

堂陞分古始高卑定常儀拳拳三顧頻未敢臣其師至
寶價娑娑塵面誰復窺有人果善酬何苦不售為木牛
流馬機小智那足奇甄別蘭與艾忠誠真弗欺功大天實
吝滯迹烏能知臣主施報恩足為萬世規

有虎南山南有石北山畔虎石人未辨箭發石遂貫一朝兩生心見石不見虎若向虎石求引滿徒自苦

河南牧羊兒不識奇字書君王事邊頭無亦官帑虛慨然分家資補國何勤渠詎有忠於君而謂不學歟母令敗羣語緱氏果有餘惜哉封禪主更欲取名譽歲晚責緣飾宜其返田間

真才當自重躍冶非良金世儒識拔鮮志士違本心慷慨自鋪陳庶幾有知音但恐北風扇虛言難保任快哉

東方生可喜未可欽

聖道由書傳秉畀火于秦漢興反秦暴見儒猶罵嗔董
子惟有志耿耿誰與陳使時三策行焉老諸侯賓

子雲閉門學非願雕蟲稱於道實有省爵位豈所營洙
泗嗟已遠惜不偕羣英太玄法言書莫謂徒擬經

漢代嘉唐虞欲以儒理國公孫談治道純駁互失得廣
大語尤害開邊心莫極無怪淮南謀日夜憚汲直東閣
禮諸賢脫粟自為食欲以此自文後世有真識

言貌難取人宣尼竊丁寧如何汝南許軌擅月旦評觀
其察曹瞞一言盡生平勿謂鑒裁乏一門稱弟兄

林宗真傑士甌墮識孟敏初無一語交肺腑已窺盡人
才處東京郭許能汲引幾時不生賢弗遇即泯泯

道德釀搢紳眸容無點塵望之鄙吝消矧得累夕親緬
思闕里化四教隆諸身濟濟三千徒變蒙盡為仁賢聖
雖不同氣類當等倫叔度亦我師千載風如新

達士樂貧賤本非沽激心豈真昧生死而計樂淺深辛

勤畢婚嫁塵慮寧更侵高蹤五岳遊乘風擬相尋

山川萬代留人物有時盡慷慨羊叔子登臨重嗟憫功
名垂橐來老去載倉困焉有利在民轉眄聲即泯非真
弔古往借言聊自引湛也窮其心欲嘿不能忍惜昧無
去來徒知幻與影

征南勲業手顧乃玩簡策麟經日月垂左氏實有力為
渠作忠臣訓義訂今昔後來縫掖子開卷隨有益果能
作蹄筌此學不妨癖

龍泉伴太阿潛伏知幾秋光氣不容揜夜夜衝斗牛一朝掘青苔雙龍獲兼收拭以華陰土百神見之愁若使無張雷恐非劍所羞

天一即生水語性何潔清未嘗使人貪酌之失廉稱夷齊素高蹈想非常飲水仁鄙成自取處默先內明

南渡人物中第一數安石經營江左民成敗固先識符堅擁百萬朝野總憂色長驅不量德在法真餌敵談笑付兒輩茲豈試一擲捷至偶折屐胷中未易測議者謂

矯情妄意窺悃幅

聖狂霄壤分其端在一念去惡向忠義如病用良砭方
貽害於人蛟虎並兇鰲及其懲艾餘大節秉無欠卓絕
補過功炳炳照鈇槩乃知春秋意惡惡待終厭

實修名自來猶影長隨身惑者偏忌嫉終之反累人況
馳死後譽何闕一丘塵所以識達早托醉全吾真歸興
因尊鱸口腹何足陳到今吳江水秋至清粼粼

淵明膝上桐一絲不肯挂彈聲聒天地無人知此話謂

琴只這是世間何用絃調在有無中其然豈其然

太冲十年功僅了三都賦藩溷着紙筆欲以疏吾句文
章流至是已失古人步喜怒哀樂情一發中韶濩不見
風雅篇豈效女功蠹

掄才如百藥治效各不同儻能區別性當聚和扁功武
德定亂後諸公悉登庸帝久知所長未欲任已聰品題
資確論毫髮無蔽蒙三傑隆漢業六英夾唐宗無人可
能國我欲振古風

至藝得於天音律誰同明道上車鐸逢地底黃鍾成偉
哉創業主用才極其精太常識斯人吾知不負丞勿疑
貞觀間四海幾措刑遐想登后夔巍巍治難名

馬生客新豐悠然酌斗酒若謂傲旁人曠士亦何有有
志曾未識偶與麴蘖友異時依風雲黃墟一回首

照乘復垂棘固足為國寶朝有宣力賢愛惜莫草草成
湯昔在上剪髮救枯槁念民不念已頃刻動穹昊太宗
療功臣亦本為民保斷鬚疾其愈大勝琮璧禱

秦王既集統作樂昭治功前日威武地今還見聲容一時聳觀瞻唯貪激英雄鄭公獨俛首孰能察聖衷暮年伐遼東事幾敗乃翁良臣不在傍有悔應無窮

唐家盛詞華培本自武德投戈闢文館英士來翼翼訪政討典墳分夜亡倦極當時瀛洲目意氣寧偏仄言詩到李杜騷雅並區域為文至韓柳秦漢等風力後世不推原第賞紙上墨焉知昔人心求效非頃刻

風月屬漁樵真味豈能領雍容補國手斯宜理烟艇樂

天未歸時極口獻忠鯁十上九不行回身避機穽酒徒
與詩伴共煮香山茗流傳畫九人公貌粹而整

秦女行

妾家秦關中白玉為重堂堂前翠簾鈎一一金鴛鴦暖
艷照綺席新聲按笙簧妾小不解事戲劇珠樓旁蜂蕊
擷穠杏鶯枝蔭垂楊阿母喜秀慧顰絲教縫裳年齒漸
長成自製紅襦長弄杼織繁錦錯綜飛鳳凰體柔生玉
膩國色凝天香不假粉黛妍羞作時世粧悅已求得逢

金人四庫全書
卷一
晨夕勞瘁腸苟合必易散良賈宜深藏

錦池芙蓉盛開與譚德稱何國叔曾無逸王季

嘉呂浩然張以道小集以東坡詩細思却是
最宜霜分韻得却字

道人有園居其門可羅爵夫何諸賢傑疎野盡闕畧聯
鑣過柴荆慰藉淡與泊爾時木芙蓉酣酣縱雲萼呼酒
亟對之不復次杯酌西風吹雨小池波晚烟閣紅癡高
擊鬆翠間競參錯談叢及笑粲大勝世俗樂翹搖鵬鳳

羣着我慙瘦鶴區中有此不今古一開拓山林豈細故
人願要天諾侵尋霄霏舉乃獨趣丘壑探韻睨大巫疾
走宜退却簪花謝慙慙敢避句惡弱從今數名芳消真
屢成約

足疾愈約客遊湖上園

平生志四方豈願守三窟超凌風中驥振迅霜後鷗無
何足受濕步履遽蹉跎投鍼痛循筋濯藥熱透骨重纏
韞中統嬾顧囊內笏長懷駱賓王曠邁困沉泊胃蟠經

綸業與氣共振拔紛紛灞上旅太半貴肥腴儻其尚細
謹俗眼愈起忽臨壚指醇酒洗滌去泥涵器宏事果遂
濶步黃金闕宿來病殊減砌域可踔越拘攣日既深得
差興尤發湖山想貽笑相忘兩逾月霜花著紅小幽香
逗疎樾風晴春一似携具任倉卒招邀二三子才思湧
難竭却愁費吾詩筆端口方訥

觀舊寫照有感

趙茂寫我真今朝喜重見相望十五載容貌盡更變恰

如逢故人省認向時面自憐歲月去亟若弦上箭其間
憂與病往往幾歷遍寒暑外侵薄思慮內縈纏幻形類
草木孰能永葱蒨髮幸纔半白登臨未衰勑逍遙溪復
壑安穩寢并膳十年每一畫能用幾何絹會看烏帽下
滿垂銀色線莫嫌老易來身健儘堪羨賴有難畫者炎
天飛雪片浩劫且長存那隨時序轉

次韻清閨對月

甍甍恣懶倦晚夢聊一中夢游玉蟾宮朱扉釘金銅天

寬珮聲微非關夜無風覺來動惋嘆緒猥紛愁攻人間
無了期得失爭難蟲竹邊念小童有酒清如空

重午

林間忘時節今朝忽重午雨過天未昧輕陰障初暑追
思兒童日爭先纏綵縷葵榴映菖歎梅李叅角忝書堂
給休假歡呼屢跳舞但喜逢佳辰那知歲如許遄經六
六回勞生竟何補幸早安靜樂飛潛伴鱗羽猶憐艾作
人猊瞠儼當戶想其亦自畏勢險正騎虎孰若平地我

不隨時仰俯門前鷗鷺波
宅畔花柳圍晨看一卷經暮
飲三杯醕詩成時落韻格調
任踰矩大勝汨羅人獨醒
徒自苦

中秋後一夜觀月

昨夜月色佳孤坐不及賞
深嘆一歲中此景無復兩
冒冷試出戶霧氣方泚沆
金行既中分宇宙萃澄渙
堂堂大圓鏡倒攝山河像
或云有桂樹強作枝葉想
疇能窮兆朕聊爾付怵怵
曾無驚鵲飛但聽悲蟲響
氣舒厭偈

仄望極增嘆仰今夕看尤好流光透帷幌祇欠些子緣
照物尚晶爽盆池局牆角刺歷認菰蔣病餘不舉酒安
得詩思廣何當揖浮丘跨鶴離塵塊

重九日病酒不飲而園菊已芳薄莫吟繞亦有
佳興因和淵明九日間居詩一首聊見嚮慕
之意云

心境本一如美惡緣妄生惟今尋常日強以重九名入
秋雨澤慳連朝更晴明木葉未苦凋禽鳥皆春聲寓形

天宇內自顧非壯齡年年登高時無菊酒漫傾何如茲
歲好金英照軒榮遠懷柴桑翁合處無疑情不飲還醺
然妙寄由天成

夜興

老火頓掃迹顥氣凝清英病悰少棲泊循簷聽風聲桂
魄未及圓列緯已讓明銀潢誰決流靜向蒼昊傾引領
欲縱望衆屋高崢嶸又成興局促萬里孤遐征陰墻想
露漙夕蔓粘青螢怯冷獨歸戶搔頭對長檠咨嗟分賦

薄煮藥過半生隨緣但順受境逆或漸平年年中秋夜
裏回曉鐘鳴屈指行復來得失當除乘

癸卯立秋後一日鑿井竹間

茲歲苦告暘旱熯彌五旬老火秋益焚陽螭燎朱鱗小
寢屢亭午牀移瞰墀垠迎南有風到汎掃方無塵髯奴
挈餅水云此乞諸鄰同居雖楹連列位難地均舊井蔭
一亭經夏汲取頻雷澤既稍愆土脉幾就湮倏思書齋
外墻西種叢筠而間事壘掘泉眼當津津消辰甲戌良

霜鏤穿苔茵下浚十尺餘疏泥出膠堦靈泉果旁溢清
泠潔如銀板松實為底環塲虛至脣汞沙赤顆塊石英
紫璘皴投置可蠲疾釀麴尤甘醇青絲繫銅壺挹玩醒
心神當年負暄老猶將獻嚴宸九重方焦勞渴飢念黎
民昨暮雨一節四野艱敷勻今晨直言詔庶政勤咨詢
諫聽將必行純誠動蒼旻沾蘇徧原畝丕昭吾君仁

賀尤禮侍兼修史侍講直學士院四首

禮云風斷烟闕議十九失片言灼龜鑑鉅典資以秩抗

志非太高砭艾起時疾何翅位宗伯宇內賴調一

斯文未搖落右序啓哲人胃中悟復悟筆底新又新幻
為九色絲鑿坡演明綸兵民總疲羸夜直煩前陳

化權亞史法委巷汨凡例良由私愛怨或使疑信二姦
諛人力勝危欲蔽忠義絕識超大千簡冊當吐氣

道傳至孔孟人主不已任空言課講說日用惑已甚聖
朝重橫經仁澤天下飲公談故紙外句句格精稭

小疾書興

卷懷無與適著冠試徐行廊西小堂幽叢篁雜荷聲吹
衣怯風猛簾垂一床橫坐餘忽屢嘆安閒吾半生無端
局官簿隨羣覲浮榮出入與日俱何嘗惠黎氓今晨疾
在告反覺意氣平爐烟結復開遠度松梢明晴久色愈
耐枝疎韻尤清香去松不隨香來松不迎倏然歸太虛
無心計虧盈一著要我決豈在他人評還尋鷗鷺伴靜
樂烏可名眼前俗物空秋老共身輕

次韻陸南宮晨起有感

罵坐非真豪挂冠豈實高
畸跡烟雨埋客氣利祿塵
若大丈夫本志輕旂旄無
擇眼界平分馨等羶臊機
息箭自空詎復論弓橐先
生博達姿閱世江河滔器
吞子貢璉才奪東方袍出
處日兩忘居朝隱蓬蒿一
代能幾人稱提付郎曹飯
熟菜亦香但教齒牙牢

次韻陳唐卿縣尉

耽詩固無益損慮更招咎
技癢搔不療銘坐口還又
出門索朋儔培我本根厚
頑石夸瓊瑰朽壤被絺繡
歸來

三歎息誰脫章句圓堂堂柱下史退食燕清書門前車
馬闌有客老且瘦無求見容貌話味若飲酎從容得句
帙細讀前竟後令人發深省咀嚼盡華茂要須即所見
快手撒蒙陋蘭香出深林著意烏可嗅

自廣巖避暑西庵

推枕欣朝涼開戶畏炎日駕言城西遊滯憊去如失山
空秋易知石近雲屢出穿松得古寺隨喜聽講律士女
蜂蟻來蟠香散經帙囂思攝正念頗識動化術蔬飯有

餘飽徐行縱閒逸隣庵亦窈深綠杉間疎密殿宇煥新
築不待方丈室相留屏俗情話澹喜促膝修筠入支徑
池亭面嵩翠從容十數刻佳趣領無佚風床捲青簟露
井放寒絳藕花雜蒲稍芳氣遠如一紛塵愜虛靜詩成
任荒率殷雷喚飛雨爽氣定盈溢興酣在景晚歸騎莫
馳疾新霜更須來攜樽摘林橘

自安福過真珠園梅坡

舒憂早踰關延晤盡名侶林亭果幽賞得計良自許高

鳴迭酬唱陽春誰激楚坐移遊好園振策眄芳渚曾茅
舊剪結冰艷靜誰與幾年楊巨源句妙聽鐘啟謫仙繼
前躅凌厲蒼霄舉吾人潘逍遙清新出機杼揆予才獨
後乙乙抽繭緒肆瞻宇宙宏氣類混出處盍簪忍輕散
快意樽中醕相看豈時情襟期耐寒暑

往逸村雪中上船

東皇喜我出恐無賦詩題夜呼姑射仙盡把雪覆泥迎
晨倚戶觀凍雀戀樹棲靈竦雜霰濕未暇平高低體物

非所長意蕩著語稽收興入興幔護寒擁裘綈迢遙下
谿步登舟鮮橋西搖兀畧坐定艣聲已緣隄客船與漁
篷漸遠離排擠皓色山上見素光水中迷隔路望小家
緋桃篠枝齊茅簷果自樂何必深堂閨春郊正須遊帶
酒尋村雞

徑山綽上人寄新雪

重闥初履霜深山已堆雪牛鳴數舍地氣序何驟列禪
宮舊龍居長夏扇可徹千崖蔽森蒨雙徑穿巖嶮所以

方冬時集霰即飛屑廊堦遊鵲處爪跡應凍絕立齊老
僧腰此話忌輕說掃贈滿棕宮凝明勝瑤玦梅風落葉
窓我固傍高潔疇能報清投煎茶沃詩舌

莊器之賢良居鏡湖上作吾亦愛吾廬六詩見
寄因次韻述桂隱事報之兼呈同志

吾亦愛吾廬地僻猶深山山亦前後有遠望碧玉環緊
昔近市居局促幾泥蟠買園闢荒榛運量百畝寬勤勞
藝且築就緒五載間葛巾雅相宜何心傲蟬冠流光隙

中馱霜鬢映蒼顏恬愉無競外幸免歷世患旁人笑野
拙枉是家長安開門面陂澤岸岸蒲蓼灣此身夫何疑
郊島乃瘦寒

吾亦愛吾廬萬木紛秀挺一一親主盟非特時管領緬
懷蠻觸氏隕腐爭奪境躍然起予衷大類困澆茗掃空
市虎疑照破杯蛇影步寬更容人園中無陬徑

吾亦愛吾廬第一桂多種西香郁天地不假風迎送花
開與花落真境未嘗動羣芳亦時有幻巧雲錦綜廓然

清淨觀豈復計疏壅紅紅白白處政自見日用江山雖
阻修此樂朝暮共逢場任竿木何許非戲弄一笑和君
詩是亦夢中夢

吾亦愛吾廬試聽談向背維南滙平湖浙水實分派兩
峯屹三塔形勢遠襟帶城中那有此到處憐湫隘拏舟
信所之詎復防厲揭猿鹿驚幽曠引遯終遠害抱垣更
通津漁釣欲寄快都緣跡不羈徹老心自在

吾亦愛吾廬精舍出其右

僕捨園東舊宅為禪寺

南山祝吾君身

自樂畝畝福田非住相初不藉耕耨衆生睹善法政令
遠奔走誰知在家僧特木斷葷酒更有一般默望南看
北斗

吾亦愛吾廬門前賣時蔬滿擔風露香選擇未始無蘇
子覓二頃楊翁營一區兩者况見成自顧慚晨晡不妨
瘦如竹何急肥似壺向來鍊句癡工拙分毫銖如今布
袍下識字村田夫諸公信余言相從莫踟躕

俞玉汝以詩編來因次卷首韻

我生癖耽詩極力參古意寥寥千百年所取僅三四此
言或是癡的確有見地大雅既不作少陵得深致楚騷
久寂寞太白重舉似堂堂豫章伯與世不嫵媚峭峭後
山老深古復靜麗長篇雜短章末學敢睥睨儻非四公
者孰畢此能事俞君江南英懶效決科計俗子造其廬
覓句獨擁鼻雪風灞橋路想見形夢寐貽我青雲編三
讀增畏愧未嘗膠山林亦復到城市石頑木鑽透悟處
定不二清風濯炎暑使我破蕪穢情悰猥能同外此誰

臭味請加精進心道遠烏足喟駸駸不停規今古本無異詩來我知往因以當交質

次張以道韻

耽幽畏奔逐何翅畏暑寒豈真傲世人亦各性所安弄水小漁艇尋詩塞驢鞍相宜清畫永嬉娛絕嗟嘆方苞紅玫瑰紛萌翠琅玕胡為悉棄置隨人強蹢躅頭顱每自知終難繼貂冠超情混俗久漫若草敗蘭委身羈馭中黽勉聊自寬習氣猶未除投句雕腸肝偷閒時一遊

園池有荷槃

寄題莊器之招隱樓

得時則為人此固丈夫志生前必功名說實起後世君
看禹稷徒烏有覬望意偶然事逢手勢若破竹易所以
極萬代偉績不可槩紛紛務勉強指日苟聲利等觀今
昔為迷悟由性異莊侯海內士豈特靜者類深歎末俗
競懶赴殊科試力田抄飯白結屋傍山翠受用已有餘
推此更廣施名樓曰招隱來者定弗棄我恨聞命晚已

買城北地湖濱林麓幽市遠車馬避想像輞川寬庶幾
盤谷邃雖非千步門肯換一品位桃蒸春浪活桂馥秋
風至其時思故友命駕驚晝睡堂堂無他言握手笑相
視吾儕東西隔橘枳本同味中年各覓裘要非太早計
何須並墻居而後願始遂

次韻答張以道茶谷閒步

藝此百畝園池亭粗供遊新從小堂陰經營學山丘攢
叢數百樹如對曠士流奇石皆有情聽詩疑點頭方池

正當前風定清若油照影畫不成葉茂枝相樛心靜境
自來非闕苦尋搜知我與罪我此話同春秋委順付天
命萬事杯中浮莫疑頭上絲曾因利榮愁若無忘斯言
長年共無憂

宿餘杭普救蘭若同訥義二僧訪法喜寺尋登
綠野亭

平生樂遊觀幾欲遍區宇足力有限量勝處空默數餘
杭舊名邑相距纔步武蘇翁綠野詠方冊每欣睹竭來

始經行解擔日蹉午招提畧憇倦鑪熏散雲縷上人別
累年省識但能祖應憐憂患跡官路還蹢蹢將勤設瓜
菓就蔭指柵秧少焉湯浴罷作意訪奇古相從到鄰寺

儒宮換堂廡

法喜今易
為縣庠

揆昔列鐘魚俄此登簋簋萬法

迭成壞紛紛競誰主旋陟陂上亭傾摧幾風雨老柳不
復見危闌試憑俯青山幸縈繞寧暇問秦禹水流天接
處桑塍間蔬圃種蓮止坳塘炊煙莽村聚客嗟襦慰快
擬去還春憮一笑詩已成馳奔遽忘苦

戲效樂天體

去日不可再來日焉可虛直待百事足漫把四大拘黃
河幾曾清白髮莫旋烏全福貴安然真樂難強圖朴直
自許我才能不如渠已盟方寸心免苦六尺軀登臺值
明時擊壤容匹夫輕車歷野寺小船泛晴湖金鯽池內
觀白猿洞前呼孤山未學林長堤且懷蘇珍實不滿器
醇醪只攜壺更帶兩耳鐺旋煮四腮魚意均飽煖適迹
或升沉殊達人曠大觀萬象歸一途丹鼎鷄變化佛性

狗有無快答此話頭擬議計即疎

欽定四庫全書

南湖集卷二

宋 張鉉 撰

五言古詩

集古今山林閒適詩以林泉嘯咏名之

夜窓涉塵編山林詩輒取悠然忘世故
正味若醇酒渠能道我言不必出吾口
抄成長自隨真為歲寒友

偶成

出門苦喧闐歸舍喜清逸
新篁解重箨尚帶溪粉濕
投

鐻坐無語風來動書帙留客不須歸今夕月方出

不睡

溽暑快新霽濕風生夕涼屋角掛月盤潏灑冰玉光飛
蟲細可數夜氣收莽蒼境勝玩不足橫筇據胡牀孤生
念落靜思還慘傷山林平時心政坐多激昂習懶性
已成投閒計為長明宵恐陰雨不睡庸何妨

同張以道出遊近郊成古詩十六韻

今辰天宇佳風光宛如春園廬豈不樂景熟興未伸與

客策蹇驢城東訪幽人幽人本非約意往隨清真市小
度啁哳秋郊迥無塵楓林顚居前蔬畦翠橫陳烟濃山
愈淡徐步望更新田翁出荆扉笑揖似所親坐對俱不
疑一榻三烏巾胸中絕城塹眼界空越秦紛紛癡濁世
等別生顰嗔青旗正飄搖小店恰與隣相邀開縹甕橙
梨共珍醇悠然會陶然此適屬隱淪我家幸匪遠要辦
來常頻平橋指歸途野轉依叢筠

酌道傍古松下錢王水對山絕頂微露塔尖聞

有僧院名益錢

山園當車巾佳興全滿前盤松儼如畫蓋疊疎羅纏沙
平恰席許坐蔭宜鋪氈扶筇瞰根穴湛碧泓寒泉霏空
雨方來衆綠爭欣然炎銷道旁地此倍凝陰烟摩抄復
漱滌毛骨俱澄鮮輪囷復清冷肯受代謝遷何必絕塵
世高潔自永年錢王德民深姓氏水為傳遙瞻宰堵坡
背立蒼巒巔人言有廢寺欲到愁攀緣諸天散香華顧
我應惻憐被役不為飢凡質何繇僊

次韻傅景夏見贈兼簡徐季益

懶情妨勇志，闇識乖明時。昔人嗟遠矣，有夢那見之。百計諧余衷，第一證以詩。合處即券鑰，寧問渠為誰。端居偈仄胷，旦旦荆榛披。又如酒輟魴，縱漾清塘陂。宗旨要領會，法律忌脫遺。泚筆漫擬古，深局愧無奇。寒松凜顏采，恥競桃李姿。疲馬借康莊，敢對騏驎馳。自娛成自虐，苦心到肝脾。孰真念本願，頗或譏繁詞。君侯忽我予，臭味幾夙期。何時結幽磐，開徑通雙扉。花明鶯錦鄰，竹暗蜂

烟霏應緣更數載。遮莫俗驚窺偉編。昨珍投如病和扁。
醫月臺氣醇茂。共社當肩隨火龜。莫視兆叶吉庸奚疑。
解頤持此先詎須匡鼎來。

近詩殊少閒行綠陰下。喜成雜言以自勉。繼此

當日課云

去冬詩絕稀。作意待好春。春至病始甦。強賦情少真。梅
花到海棠。不過數十首。其間豈無興。有筆慵開口。每逢
風日美。心醉人不知。林間行若狂。藉草或移時。芳花倏

掃蹤轉作滿園葉油然翠欲流剪若陰初疊老夫愛深
處穿樹開生路香不是風香吹來復吹去扶筇仰面看
青子枝間團引客任摘嘗庸詎疑整冠間來坐根石遠
望渾無隙大似天女機重重綠羅織黃蜂恐我嗔擬住
退逡巡向夏吟更懶却防蜂笑人從今當健走古囊勤
抖擻莫作蒼蠅鳴常如獅子吼

看澗水自警

昔往靈隱山寺前貪看水木陰鑑暉彩泓渟絕塵滓游

儵慣餅餌敲欄聚如蟻坐翫豈不佳直須波浪起開闢
放三板驚雷奔壑底如油石上苔老澱光瀾瀾衣裳任
濺灑輕颿颿盈耳歸來尚入夢睡覺思未已糸年罕遊
山深居遠塵市林卉漸叢茂窮幽併餘美疏澗彌百尋
縈紆帶蘋芷因風作微瀾綠皺偏可喜有時日向晚灣
處閒徙倚簟紋韓縠皺風平一齊止瑠璃瑩不動最愛
中間裏擬將拄杖探恐破難整理擬將瓦礫投恐浣難
揩洗夾岸桃樹影迎望青迤邐飛禽既歸宿獨留老居

士足痺未忍去更欲置床几長繩繫義輪不容落西汜
脩思家中景非同借來比已拚閒到老從老閒至死自
此情便看其看豈涯涘冥然心有語功夫吾戒爾操行
益孤高謹終當似始靈襟永虛潔內外非二體行住坐
卧處泥渠亦清泚免令水有言人汙貽我恥

秋日夙興

晨起浴倍佳爽疏洞膚髮靈蕪鬱寶鼎清忱睇天闕三
十六帝座一一神遠謁旋瞻雲始盈灑雨嚮聽忽餘霏

集欄廡林翠忻蔭樾高枝閃稀星萬葉被濕月吟喁蜚
蛩輩草際競窸窣觀生物我齊豈計辨與訥義車唱羣
動靜思苦易歇摩抄山頭石汝相筋稱骨

讀蕭何傳有感

漢祖肇炎圖三傑成輔翼功成及酬賞相國獨第一發
蹤指示語誰曰匪其實焉知英主心方謹操縱術勲高
疑益深固異亭長日守闕忠弗念置衛防百出堂堂明
且審自計亦無失護軍給餉饋入秦收圖籍用智既有

餘保身豈難必遜封散宏財非真召平力汙名起田宅
猶愈受斧鑕終加恭謹辭賢哉史臣筆

次韻酬銘上人二首

修容衣襜如喔咿守閤傍聞閒掩耳避令人憶柴桑銘
乎問水濱其道尊空王坐來薝蔔林不聞有別香

孰知苾芻流而能建安作燈藥味雋永曾不帶葵藿已
撞禪月鐘請振普化鐸從伊啞羊呼高厚中沃若

移石種竹橘

野性樂閒寂况值秋氣清旋即東牆隈削苔方甃平石
立稍退步薜荔纏珠纓橘香湖海趣竹翠山林情二物
昔所嗜未暇同經營環種近百竿葉葉琴筑聲對植纔
兩樹顆顆金玉明交枝與叢稍拂巾須緩行其間兩席
地幽致吾主盟靜極坐累刻焉有世慮縈人生會心處
小大景不爭長年興無涯風月隨陰晴抽萌及吐蘂預
喜春林榮客來開茗鑪禮意固匪輕作詩漸忘言此語
亦老成杜門安蹇拙何急謀虛名

樓筍詩

庭階少幽蔚樹石聊森陳海樓最先來相看兩經春風
枯黃髮短雨老蒼皮皺葉添朝暮層尚欠著語新陰霏
歎幾月芳苞吐輪囷嘗間膚毳間若筍味可珍使其姿
柔媚未必藏甘淳耐饒不忍剖是乃吾術仁詩人例虛
談夸街毋諄諄緣木而得魚慮貽俗子嗔

樓筍一名樓魚

分韻賦簷蔔得松字

呼酒快勸客教取白玉鍾趁此清淨枝向我几案供藥

豐發油綠香心刻黃琮向來紅紫陣喧喧引雄蜂露斑
衣上痕枉負七尺筇日暮詩興薄幽禪苦魔攻猶勝坐
肩輿排門抗塵容我祖已封侯便當隨赤松

送綽上人歸後菴

春風吹倒人禪師出山來相陪坐幾月口邊生塵埃夏
風吹長樹禪師歸山去為嫌城裏熱再三留不住學詩
無後先到此如狂顛有問是誰格且疑三十年

我園

我園樂復樂不知夜短長
露下楊柳濕月明蒿艾香
歸途林影橫忍踏瑣碎光
衡門尚未掩犬吠循東牆

回放翁書

鷗盟慙久寒駒足誰苦
紮霜雪兩歲暮轉首飛箭急
脂車乏敏手愛字翻舊笈
三山白淨水樹屋影解解
梅花百枝寄寧當一顧揖
官冷坐名熱天道會張翥
多憂莫白頭丹鉛火常集

次韻張子儀郎中

南湖葵柳岸綠多紫紅稀有客送詩來適與葵柳宜得
處洞真蘊非我其為誰坐觀行亦看意會神蕩怡憫彼
世上人紛紛方外茲

月色

月色夜逾淨虛庭當我前風裳變白玉何煩佩褊褊曼
倩去已久誰同醉陶然空懷依隱心三叫芙蓉邊

題畫雲山團扇

若箇大圓鏡處處山河影誰謂懶拙翁而能作斯景繫

予說是語未免臚窺井若解目前機不應言不領

七言古詩

前有一尊酒行

霖雨半月今夕晴風堂人稀燈燭明涼蟲咽咽傍墻竹
聽久但促孤愁生愁生欲伏誰驅遣渾汗翠液玻璃軟
五斗一石非所長興來亦覺滄溟淺我生早患難對酒
無可娛辛勤識字不得力漫事爾雅箋蟲魚痛心曩昔
親庭趨從容侍飲情有餘醉譚先烈從巡初豈但勇力

清疆隅公侯將相隨指呼親挾日馭升天衢墓碑神龍
護寶書敷庸槩見中全疎機危謀大世莫覩賴有帝訓
昭難渝用心若比某人輩相懸萬里非同途坐間歷歷
言在耳風木纏悲淚鉛水茫然此事莫輕論不如盡付
金樽裏神仙恍惚休強尋壯士易老難為心要須出處
任天運況我自判歸山林一杯復一杯無客誰同斟案
間幸有李白舊詩數百首試讀精爽飛雲岑安得同渠
游霓裾碧瑤簪回頭却謝髡卓輩棄置禮法幾荒淫何

如高吟泣鬼神模寫造化歸無垠誰能狸膏金距學鷄
鬪起捉簷柱矯首落落看星辰

冒雨往玉照堂觀梅戲成長篇

幽人占斷煙波景不但春風翠紅整繞堂交互玉峻嶒
月中日下光迷影連年勾引客來看傳得梅聲滿世間
西湖處士英爽在大叫稱屈過天闕拜言臣生太清苦
孤山昏曉搜寒句水邊籬畔識疎斜若說栽梅臣實祖
五湖散人張志和讀霓不中原夫科門前水擅南湖號

也種梅花數百窠貪吟豈悟無閒字置之度外猶餘事
掩臣梅譽最難堪薦菊泉荒空廟祀帝曰往哉女雨師
張園梅開正及時風標霧鎖兩旬日今歲且使遊行稀
從來奇觀偏宜罕何妨別具看花眼不須緣木及守株
時來一醺玻璃醖晴多每厭蜂蝶狂妖濃不類南枝香
未如就作水仙戲水精纓珮鮫綃裳素鱗宮闕龍牙牀
瑤麟琪鳳森騫翔洗滌塵坌凝冰霜是名清淨富貴鄉
舉瓢無庸酌天漿芳槽壓酒銀淋浪桃花流水名漸彰

一醉百榼噉斗量和靖此樂恐未嘗
大癡小黠聲利場得失分定休自忙
詩成鯉魚為傳將一閱嗔妬俱已忘
却須信我計頗長

千葉黃梅歌呈王夢得張以道

笛聲吹起南湖水散作奇葩滿園裏
被春收入玉照堂不逐餘芳弄紅紫
一春開霽能幾時江梅正多人來稀
光風屈指已過半賴有緗葢森高枝
今朝拄杖偏宜到暖碧紅烟染林草
悠然試就花下行便有疎英點烏帽

細看寶靨輕金塗密網粲綴萬斛珠一香舉處衆香發
幻巧更吐冰霜鬚巨羅盛酒如春沼不待東風自開了
呼童撼作晴雪飛雪飛爭似花飛好上都賞翫爭出城
日高三大車馬塵誰能擺脫熱官與銅臭肯學花底真
閒人時平空山老壯士不得減秦報君死鷄鳴撫劍起
相歎夢領全師渡河水吾曹恥作兒女愁何如且插花
滿頭一盞一盞復一盞坐到落梅無始休無梅有月尤
堪飲醉卧蒼苔石為枕醒來明月別尋花桃岸翻霞杏

堆錦

廬陵李英才自製墨與梅花寫真良齋誠齋又
許其能詩十月七日攜畫見訪且索拙語因

成古風以贈

我家種梅三百樹惱人不特香如霧塔前花影二更來
月光到處縱橫住幾回欲畫嗟未曾李君能事乃爾能
素綃竊我當時景更引夜月花邊升濡毫暈水厭凡墨
掃烟自就千枝燈客衣綈盡不復恨但喜占藝清如水

英才之
言云爾

主玄漆響用不盡博金價定無虧增又聞覓句
頗清熟社中宗匠交口稱雲臺萬事無心計只學希夷
多愛睡醒時非畫亦非詩恣向虛空寫千偈君船再過
嶠中未烏丸併望新篇寄醉來染試陋溪藤滿壁蛟龍
風捲地

劉宗古畫過海壽星

南極煌煌山川精輝明淵耀為天經化成仙人渡滄溟
黑風不作魚龍腥冉冉風氣如雲停我冠曳帶從鈴驛

脩髯炯目玉鍊形神光轉映浮中庭穹龜坐踞捐韜戟
遼東令威姓維丁翔空欲下搖霜翎予方厭世爭腐腥
棲心元域全櫻寧此圖誰將揭素屏細觀混體通百靈
誅馘飛毒命門扃清音透頂間雷霆披蘿重岡斲松苓
我命在我同千齡

跋周昉畫錫宴圖

汾陽騰建扶危功清議那有魚軍容偉人恃寵自矜伐
似可唾去極力攻今也束帶比肩立絕口不問如盲聾

水衡有錢誰敢費設席授几為爾供金鵝罩底果何品
異饌定不人間同翠環玉勺未分勸坐列有序隨卑崇
君恩天大且籠蓋天意不假人方窮鳳凰五章為世瑞
亦許梟獍鳴雌雄西山靈木作上藥道旁惡草翻茸茸
方圓白黑正殊調端在處者全吾躬魯叟當年諾陽虎
望之計拙排顯恭我披此畫屢歎息杜老謀深言至公
馬賁以畫花竹名政宣間其孫遠得賁用筆意
人物山水皆極其能余嘗令圖寫林下景有

感因賦以示遠

世間有真畫詩人幹其初世間有真詩畫工掇其餘飛
潛與動植模寫極太虛造物惡泄機藝成不可居爭如
俗子通身俗到處堆錢助痴福斷無神鬼泣篇章豈識
山川藏卷軸我因耽詩鬢如絲爾緣耽畫病欲羸投筆
急須將絹裂真畫真詩未嘗滅

舊藏文與可墨竹未有對者叔祖閣學以一枝
為惠

崔黃拂素桃李開春閨融豔蜂蝶猜范郭揮毫水石具
古愁宛奧闕山迴近代名家工寫物妍媚嶙峋空傑出
此君孤稟歲寒姿不入尋常丹粉律江南鈎鎖殊拘攣
直榦蟠鬱羞雲煙湖州書飽翻老墨放枝落紙爭流傳
有來一幅垂虛壁冷葉疎莖伴幽寂眼空四海無與儔
出手知公不勞力世間快意非人為曩昔經營心坐馳
從容會合若符節辛苦反悟皆兒痴從今相對成三友
憎愛俱捐保長久茂林分蔭已無窮更合新詩同不朽

茂林南
園亭名

朱師闕畫梅溪春曉圖

梅溪之水何清哉萬頃玉碧天邇來兩山拱挹各異狀
上有磅礴巨石散落生莓苔松蘿籠蒙共糾結帶映萬
葢紛瑤瑰香繁粉豔露凝濕下視凡卉真與臺露裾褊
褊彼仙子褰裳矯首遙相俟心清悟物思相羊指點八
極供翱翔胎仙舞空為前導紫芝煜煜更芬芳時當初
霧放曉色赫日滉漾成池光羅浮幽夢奚煩數西湖漫

賦橫斜句相逢弭棹定情親翠杓瑤嬰恣傾舉東鷗西
兔從飛馳維北有斗南有箕化工精妙得師旨寫入縑
素不使捐毫釐何當著身此溪上溪清梅白森相向吾
與二子成三人共看桑田乾海浪

書鎖樹諫圖

中國人材未嘗絕季龍何苦稱豪傑一朝得志忘穹廬
侈心不遏洪河決沙丘未破身先藝義士敢忘膏斧鉞
所幸嚮來涉經史改過知非猶可說噫固知禮義之本

根人心何如露臺惜百金

奉祠雲臺題陳希夷畫像

張子為人懶無對遮手一官追行輩撲緣埃壤半年餘
亡補公家真合退病羸應念故園荒連緘力扣中書堂
琳宮分秩問天得給舍便喜書勅黃沉疴返舍條去體
涸鮒順水回春塘壁間先掛陳處士案上更置銅爐香
易編與我為四友一段因緣殊不偶從容何止兩歲期
自此相依當耐久清腴氣貌儼如生入京尚想騎驢行

世間大事硬漢了物有所重有所輕後來一曲愈可尚
不暇隨人作卿相急歸依舊白雲鄉忍使猿驚空蕙帳
東吳西華遙相望海霧天風正摧盪無邊花月自依春
來伴南湖詩酒舫

陸編修送月石硯屏

何年商顓澄中秋中光列籍稀校讐氷輪充滿不復玷
玉斧棄置無煩修蝦蟇遁走兔老點歷歷可認渾銀樓
揚光厭倦落凡眼臭黃漲霧紛蜉蝣收芒轉彩向林壑

孕秀石腹非雕鏤夜深輝怪想出没肯混瓦礫埋荒幽
地神竦踴競持護山鬼睥睨潛驚媮扶疎檜影亦透入
非假幻化人能不誰將作屏伴几硯窓日互耀搖雙眸
三山放翁實贈我鎮紙恰稱金犀牛新得古
銅犀牛翁今鉅宋
清廟器成鐘韶磬鏗鳴球所學況不負天子報國豈暇
官資謀子虛賦傳賜科第始計兵說裨宸旒傾城寵易
妬亦速已蜀寄宦甌閩遊仙風俠氣愈卓越錦袍玉局
當朋儔平生專車祗文藁江漢萬古詞源流崑崙塊北

大巧在乃欲繪畫真堪羞精神間道尚適緊恨未面覲
肝腸投此屏遠送有深意絕勝龜甲圍香篝用張舍避
立必直銘戒要我叅李尤拙詩酬貺忘不韙是亦一癡
何從璆菱租魚市仰高詠乘興未果隨子猷來春流水
鰕肥好看我坐釣書船頭

魚作市菱為租取
陸思故山詩中語

太平印歌

修溪檢校閒桃李暗記蒼苔唯屐齒野鴛時看立汀沙
个字分明尤足喜金駝銀鼻豈闕念夢月當窓印寒水

閨門瓜戍忽臨期交與銅章令滌視篆文春蚓紅紫纏
背刻太平興國年因記太宗全盛日車書萬里恢山川
吳王納地初改郡錢塘國勢猶依然治中選任不輕予
縱受往往皆前賢顧我何人來冒綴迂愚縮朒仍孤穎
買臣雖陋會稽懷靖節殊慙彭澤棄職分猶得按西湖
岸址防侵除葑穢汎舟何事最官况屬玉鵝鵲總徒隸
無煩移牒水仙王徑寫新篇就印章給露洗開千樹色
支風吹發萬荷香持歸桂隱真堪樂世界清涼似巖壑

更將此印印渠詩是我前生那得知

渭川獵

鳴冬朔風聲披靡原樹莽蒼枯欲死出門四望來無人
何許翁閒守寒水胷中百萬總活法閉口不言心自喜
姓名絕念公侯前草野畊夫畧相比一朝千乘從空來
照天戈甲光皚皚冒羅不為鴈羅設果應龜墨收奇才
鷹揚元勲塞兩儀遣爾後嗣恢宏基魯公如棠但射魚
縱得齒草何能為

夜坐放歌書興

列星光芒遠近同
天河橫來壓孤篷
溪容一碧看未盡
轉入客子詩筒中
筒中滿貯千張紙
一路山川供役使
古來雪水足高人
吾宗首說元真子
都緣抱負經濟才
有口掛壁常懶開
樵青漁童與共載
大勝俗侶成羣來
可憐當時只名重
野鶴乘軒失威鳳
雖聞肖像登九重
收獎空言亦何用
過五百年孫更癡
布裘稷屬骨格宜
特來乃祖舊遊處
三斗庶幾親見之
見之不見俱莫問

人生只合將閒論倘來簪紱付兒嬉聖賢用晦初未悶
拍舷還望星與河此身或是張志和一杯更醉投床睡
明日歌聲猶震地

看雲

老夫自從歸南湖兩眼用處不敢虛對人豈暇作青白
尚乃懶閱燈前書只將看山并看水山愛煙晴水風起
今朝所向更出奇極目陰雲滿空裏千千百百巨石堆
一一十十猛獸來春濤忽捲大海動曉陣漸壓孤城摧

當中一抹如龍卧頭角深藏鱗鬣大濛鴻杳渺却斜明
高鳥爭飛欲驚墮須臾變化疑有神億萬里碧無點塵
以知傑觀我已得模寫詎肯煩他人歸來為渠急揮掃
自笑麤狂乏新巧莫言雲去没人知處處是雲雲是詩

夜看月邊行雲

衆人看月愛月明老夫看月愛雲行青天澄霽月當夜
但有爽快無幽情今宵半月從西上雲向東移滿虛曠
初如玉鏡插蒼崖次若銀盤沉雪浪忽當濃處全收芒

星斗遠近聚復藏須臾缺處還飛光林宇高下且陰涼
鮮飈颯颯吹我裳恍然輕舉凌空翔只緣中心無一事
始與世人看有異睡足閒居好滋味投床徑自勦勦地
明夜月明來共醉多情更看雲裝綴縱使無雲亦休睡
寄春膏牋與何同叔監簿因成古體

蘇州粉牋美如花萍文霜粒古所誇近年專製淺蠟色
軟玉瑩膩無纖瑕盤門繫纜高橋住呼僮徑訪孫華鋪
瑯鏤紅碧任成堆春膏且問如何去乃知剡溪桃花黃

楮君同譜生殊鄉買來論擔不計數直候東風花草香
其時霖霖吹微雨潤物無聲略膠土展開千幅向曉空
漬染都勻始輕杵擣成一色堅且明幽具本豈鑽公卿
要供海內覓句客覓句只今誰有名月湖老仙居胄監
詩好工夫到平淡寄分聊當野人芹莫充諫藁恐被焚
便將演綸登北門

出山追述所見

我家正對風煙住飽看陰晴變朝暮清秋非但入詩脾

挽向溪山深處去溪山深處是湖州水合雲凝不斷頭
曬稻坡前移拄杖罩魚灘際泊扁舟入城要盡登臨目
馳橋繫纜因留宿舊遊十載夢驚回堤邊老柳依然綠

凌晨取道峴山前窪樽就拊穹崖巔

顏魯公舊遊此唐李左相石樽尚存

縈紆遙指道場路挂席徑造尋幽禪彎環港轉茭田上

鶯簧激烈千松嶂竹興飛入翠光中寶閣朱扉恣舒望

當年祖訥伏於菟

伏虎訥禪師開山

躡屐旋薤荆榛居至今夜

半孔寒月守護淨境嚴驅除呼燈談話條度夕粥盂共

赴雲堂集日高振袂過隣峯老衲相看但長揖

讀仙書

飛樓半天真人居玉幢金甍龍虎興層門十丈擁翠樹
枝磨有聲作靈語邪劣未除嗟異路紫雲鵲袍兩儀舞
赤巾使者呼女鬟吟風颯颯驚笙寒迎月殿高句難攀
踏珠出水如出霧三十六鳳空銀灣

馬當山水府廟

江長九月秋氣豪霜明岸老天愈高羣真下集水仙府

丁東佩玉聞雲璈修塗隨處愜奇觀况此樓殿臨烟臯
割牲醺酒禱靈貺順風掛席輕狂濤褊褊數鶴摩空舞
戛然長鳴更淒楚飛來木末獨移時不逐昏鴉亂洲嶼
人言馬當船過難我喜浩興超然間便須擊楫自此去
指呼萬騎恢河關

醉後偶書

繩床不解雙足頑藜杖易厭前庭慳茱萸小梅孕白
玳瑁文鰕苔移斑一銓左計坐北牖萬騎縱獵思南山

便呼滕六雨好雪風捲平郊無賸葉輕飛轉旋疾於鷹
箭勁弓鳴獸旁截芳醪鮮肉娛賓友撾鼓振絃催舞袖
橫行未絕五原邊不死終歸三輔右望南再拜稱君壽
愚臣豈解酬恩厚古來相際必風雲今日名王宜有後
王荆文公有客至當飲酒篇姜邦傑廣其意賦
詩見示有云有客固當飲無客飲更歌有客
與無客頽然同一科僕因和荅一首

客至當飲酒客去亦飲酒有客與無客酒杯不離手昔

賢立意固可嘉今賢廣之尤足誇人生都無四萬日炊
黍未辦鬚已華功名富貴軟鉄漢四萬日中先太半穉
衰憂病睡工夫餘剩不能供蠶筭何當筠籠罩住兔與
烏請渠同道黃金壺皇王帝霸果何事醉眼一覩皆虛
無春風今年春雨麤池中水通門前湖垂楊洲芻繫板
舫艷杏橋上行巾車纔晴肯放此樂緩客有與無俱不
管詩成書紙或書牆後五十年墳草長

三愛吟

有手須把酒有口須吟詩更留未老脚上山當及時我
生除此百不愛儘着餘年了三債一歲縱教醉百回三
日始一眉頭開百年藉使吟萬首十日得三果何有足
健且長閒當能遍巖藪君不見王逸少誓墓不出窮名
山謂宜以樂終不願縛足名宦間又不見陶淵明快飲
不負頭上巾嗤笑魯中叟彌縫闕失成灰塵又不見杜
少陵作詩餓凍猶忘愁未得驚人句自言到死不肯休
人生三物間所願常周流此身已復專林壑賦詩飲酒

須行樂

謝豈菴餉澄粉圓子

老蚌嘗聞生合浦射彩飛芒互吞吐都緣晝夜兩跳丸
縈繞須彌照寰宇金鴉遠逐銀蟾蜍傳孕億萬皆成珠
荒寒海際人罕見第取服用充珍娛吾宗皎皎青雲器
神餐玉方曾屢試細淘瓊粉滴成泥幻出勻圓乃無異
開奩驚曉未敢傾蔗霜作伴眼為明始知可助非時供

釋氏齋後食
名非時食

餛飩糜粿難爭衡當年魏珠徑寸照乘日

不聞堪鬻資人食漢臯所遇若鷄卵解贈未竟佩亦失
寒宵書牕黃葉鳴焉有李白力士鐙敲氷然竹喚沙釜
未喜蠅目先蠅聲須火湯沸投香顆一顆光浮膩仍夥
絕勝車載蕙以歸誤與文犀遭譖禍但聞頗勞纖指功
慰饕塞饒那可窮從今休遣長須送我自煨芋聽松風

鴉舅辭

自從結廬依北城八夏常聽鴉舅聲五更欲盡日未上
繞樹往往偕鷄鳴想欣綠草露光濕漸喜茂蔭晨輝清

道人披衣起危坐，睡思頓去毛骨輕。
既免待旦赴朝集，祇欲和月隨農耕。
人言外甥多似舅，爾甥天資太濁陋。
固宜相見屢施拳，使瞻在前忽在後。
衣裾峭整紫翠長，更學鶯鶯元為裳。
鵲并鸛鵒定通譜，名曰鸛鵒字未詳。
我國聽鶯兼撫鶴，閒亭本是無心作。
未能授館專為君，

萬竹千松且同樂

聽鶯撫鶴
二亭名

茂洪赴漕試歸苦目疾

潘侯兩鬢光如月，盡日看山常拄笏。
經營菽水纔有餘，

赴調無心况干謁少年習氣秋來發較藝文場肆猖獗
揚沙風起晝昏冥點漆歸來似泥湫我生正欠封侯骨
硯破編殘徒矻矻與君發願繡佛前綺語機心回樸訥
內觀靈府窮丹闕虛室生明照毛髮却將目力寫新詩
巖電千年不埋沒

還至吳淞茂洪用余臨平詩韻放魚因思舊行
大江嘗縱巨魚再和為答

太倉雲路天黏水櫛比漁家接沙嘴巨艘買放截江鱗

舉網遮空暗窓紙錢多魚賤俱放懷成貫不數成船來
今朝縱汝真小惠好去瞿塘灩澦堆

美人曲

美人娟娟似秋月宮中女兒妬欲殺惡言忽入恩愛移
自是君王不情察深宮夜冷調秦箏曲曲翻成哀怨聲
願得風吹落君耳回心照妾相思情

欽定四庫全書

集部
南湖集卷三

詳校官庶吉士臣范逢恩

主事臣呂雲棟覆勘

膳錄監生程廷璋

欽定四庫全書

南湖集卷三

宋 張鉉 撰

七言古詩

叔祖閣學生朝以丹砂鑄酒盃為壽

真人玉練超塵質尚假金鹽煑堅石要知草伏砂最難
護氣延年本仙術神爐秘炭呼祝融日月出沒奔朱龍
至今受化感靈藥異寶具體專奇功鑄盃獻公酌沆瀣
雕盤棗實如瓜大飛瓊鼓簧雙成笙醉色渥丹天所愛

東風吹萬纔兩旬誕序更數三千春丹砂為金金生沙
坐閱東海揚車塵全才備德難具陳紫樞黃閣旋洪鈞
願從宏芘托此身舉杯論文日相親

叔祖待制移居新市華閣初成適逢誕日尊幼
畢集鉉獨阻奉觴因遐想賦詩為壽

西清老人新樓居下瞰四澤如江湖憑高挹景未比畫
人望樓上真仙圖楊花燕子句排露鷗絃鳳竹聲驕麕
先生已腰白玉帶我今且漉黃金壺朝來歡聲動里閭

連帥高蓋將軍車松髯峯準照華棟共說熊夢當年符
高情和氣今誰右海山星斗補為壽一門鼎食繼前勲
容我窻間吟遠岫

當塗叔祖生朝以顧亮畫雙松鹿雀為壽

維崧之顛仙所巢凡卉不敢爭分淆千年雙幹騰老蛟
露月沐浴風枝敲雪霜留留青愈苞天授非論地肥磽
翼而翔飛足而跑倘輕來此遭譏嘲偉哉兩鹿義漆膠
生鐵挺角銅為駁於菟可阱熊可庖爾獨不受人鞭撻

如鳳在藪麟在郊俯仰自得盤林坳神雀亦喜辭黃茅
飛鳴豈復喧啁啁丹葩照映山靈教欲銜獻仙薦杯殽
南園胷中洞六爻大藩鎮護無鳴鶻報穰祝畢停迎貓
行取相印符竹拋長生陰德丹臺抄我欲歌頌追雲璈
往壽此畫猶毫鬚岵修賴有精誠交

南園叔祖生日

當途老稚遮不住京口屯雲饑待哺平生四海廟廊姿
八處蕃宣俱暇豫紹興元勳如日懸承家有人光後先

驥行萬里要老大天公已與青松年
愚孫窮好祇林藪日汲菊潭清釀酒
欲往壽翁道阻修遥問長江借升斗
人間樂事唯逍遙蓬萊方丈非迢迢
詩成喚鶴銜將去認取南陽卧龍處

呈尤侍郎陸禮部

今春少晴天雨聲常綿延曉來羲車展
雲出射我屋瓦生蒼烟憶昔既冠時
壯志平幽燕先王手扶太極起餘事
未竟騎星躔誓將膽與腸剖析帝座
前出師先定董

郭薦此老妙處心默傳甲庚子亥繫宿業古來局殺英
與賢蒼華蕭蕭葯裹側不覺轉盼霜滿顛因念夢境中
此亦非小緣枉教心無片餉息形氣自賤欲火然一根
返源六根了如何不遣情勾牽今朝好春風歌鳥如管
弦花香舒錦機次第鋪我園柳柔曳金繩高下拂我船
伸臂攬六龍莫過桑榆邊披猖車尾霞丹碧如旂旌幻
作萬石酒爛醉三千年世間生死俱掃空況復戲弄冕
與軒江西揚子雲道院方晝眠來書拆半月欲報懶欲

快許我詩五十方得見六篇清腴似陶謝尤覺詞精便
尤陸二丈人和答尚未全賤子焉敢繼口誦心膺鑄此
月小築成南湖向西偏規模從簡儉門牆抵人肩池亭
巧相通萬竹夾澗泉風月豈易量肯換閒憂煎懷公不
能休語盡終難宣

陳子西投贈長句走筆次韻奉酬

作詩我恨無新功良田所積未始豐君侯何事有此癖
判却不費平生窮容臺故人作書至百篇古體緘滕中

剪裁雲霧閒孔翠此尚人力虧天工請君直道當去聲下

語莫擬世俗紛華蟲古人規繩亦謝去豈不自己光圓
融大千沙界大千海置之足上升天宮到頭只是舊時
我不妨自就聲律籠若能言下便領得老夫衣鉢當傳
公

簡虞子建

虞君借屋王城裏閉門端坐窮經史遊謁俱非射利徒
名公往往為知已年來清貧漸到骨造命由天常自委

屬客雖慳北海樽出街尚矜東郭履我交英彥固不少
易足如君誠鮮矣連朝雪片大似掌平地未尺俄復止
今晨暘光炙瓦甍旋滴虛簷聲不已竹間鳥雀快飛鳴
庭下兒童爭跳喜叩關過我未及歛首問雪詩曾有幾
自云危樓開破牖盡見山屏羣玉倚遠從臺館聽笙簫
更煮鮭魚傾濁醴呼兒誦我湖上句聊當清歌搖醉耳
初聞不覺忽自哂過獎翻令增愧耻屢稱非偽弗許辯
更愛無心真絕比紛紛馳谷跨深坑苟祿貪榮願流泚

辛勤縱得席暫煖爭坐成羣又催起豈若高蹈身不與
裏布羹蔬藉溫美乘閒書紙本非詩切勿多傳名嗤鄙
簡喻叔奇工部沈無隱寺簿

園居懶成癖駕言何所之出門無妨看好雪粉地玉天
相範圍氣增坐車熱旋換白鹿騎不須携古囊詩句隨
雪飛故人昨遷官過我睡掩扉登堂謝不敏欸話俄移
時咨詢玉照三百樹縱未放花堪舉厄當約香山翁

喻以

香山名其詩編

共了此段奇喜歸步林曲問梅梅有辭相看兩

經年非無主人知去春偶晴多昏曉無不宜靜來藜杖
橫笑去綸巾歌琉璃巨鍾深數指月底四弦驚鵲起興
濃何必斷吟鬚快寫新詞歌皓齒燭遙照路不照花三
更露壓星斗斜明床氈穩半酣寢頭上最愛香雲遮明
朝再來看亦復送落霞尤物到了奇飄英覆泥沙非徒
隨步白錦茵轉首綠蔭森交加于今雪見五六白斂衽
何辭讓渠色但催佳客犯寒來我自有花開頃刻言餘
試搖枝上凍已覺欣欣芳萼動或如紅豆或如椒若說

供詩儘禁用星郎農簿辭林鳳素有聲名過屈宋訪余
必待巧乘閒却恐梅花解嘲弄

次韻曾侍郎

世上曾誰歌白雪慨歎風人聲屢咽旋蟲時叩豈無聞
盡發宮商方應節江西源正非旁流文清詩名不易收
師承吏業特餘事一門玉律誇中州了知著脚最高處
不局晚唐脂粉路涪翁時異屹相望龍勺彛樽滿堂聚
昔人詞賦上三都未必獻納裨皇居且今司刑掌邦賦

羔羊化行無詐狙孤生奚貪芻豢說一飯跣跌諸想滅
案頭何用寶傳燈自有公家論語說

蚊

連夜雨作污渠泥枯莖蠹葉紛滿蹊塘坳蠕蠕長科斗
壘腹攘攘翔醯鷄濕生別種蛆蛭類倒擲橫跳浮却墜
晴風一旦畧噓吹便解飛騰添足翅初即陽光緩緩遊
鼓隊趨羣屋角頭雪片有聲飄作陣揚花無樹輓成毬
爾自與人風馬牛緣何耳邊鳴啾啾鳴啾啾未爾罪撲

鬢嗜膚驅不退有時深夜呵殿來惱亂書燈猶作祟何
人當年假爾名曰蚊豈為文足稱爛斑不過脚似豹勇
健未必拳如鷹蚊吾語汝汝切聽爾詎不聞大鵬舉翼
辭南溟上九萬里如雲興爾又不聞鳳凰來儀虞帝庭
九章備體叅四靈奚曾逐逐專竄塵固知比擬非其倫
我園牆陰容爾停自全且效腐草螢吸露大勝血肉腥
口業既免報漸輕不然薰燎滅爾形吾言匪妄如日星
船回過德清

溪平如簾不織紋夕陽紅葉參差分蘆邊孤蓬飯炊芹
風力引上縈長雲天將此意慰所欣我倦不飯興自醺
思懶豈復筆下勤一默中有詩無垠林木振動山應聞
夜宿龍井廣福寺分韻得來字

陽烏翅焦雲崔嵬避熱馬轉南山隈邊湖興熟厭頻往
幽討林落穿莓苔澗聲引步陟層嶺亭矗路側雙扉開
泓泉湛碧透坤軸合有龍卧專風雷撫欄立瞰眩奇閱
漱挹未敢持深盃瘦筇趨寺更幽寂苴補不到欄楹摧

老僧肅揖選涼坐借床過夜容裴回神靈變異亦喜客
跂脉現狀潛鱗鰓從容瞻敬忽無覩應憫墮世餘氛埃
堂中遺像成三老

東坡辨才作亭風篁巖名曰三老今祠堂添額遺像

英爽長在

遊天垓認題掃壁說前輩今昔玩視俱悠哉出門因愛
月正午桂子秋到須重來

七月望煙波觀對月

我生好奇難比論流水古木期終身卜居城隅易得趣
窓戶日與青山親出門陂湖舊烟涸連歲乃爾成翁淪

結亭據要雖屢賞物景尚厭非清真商飈入序才兩夕
猛雨盡洗炎歊塵今晨已復暑不奈揮汗幾欲捐衣巾
晚風引履到雲鏡蕭爽意象生無垠須臾從地出偉觀
光潔萬丈推冰輪波明上下互發越彌望但怪鎔黃銀
烟蘆宰飈雜蟲響漁艇隱約收絲緡人生何用計俗眼
強起口笑勝眉顰急傾巨醖叫李白今古不問交精神
相隨擬造廣寒闕共醉更住三千春

題寒綠軒

甫里先生窮到老，剩有詩文記林草。杞苗菊葉果何佳，
自喜春風顏色好。現菴主人同吾張，故家文獻出大梁。
相過肯對桂隱榻，握手書社傾肝腸。頃年客處東瀕海，
灌畦不仰園官菜。小窻寒綠獨專名，實與天隨同所愛。
所愛既同人，亦同豈較早。晏時遭逢極，知趣尚寓小物。
過眼斥鷃高飛鴻，閒關館舍人稀到。簷前席地聊從好，
維杞與菊復移栽。擷可烹茶羹可茗，曉煙夕露清無邊。
盡掃萬古紅紫綠，對之飲水骨亦仙。屠沽兒家休擊鮮。

登城歌

二月二十八花開滿林
鶯恰恰春光誰遣插翅飛雪色
情知添鬢髮暄風隨我登古城
遠樹如簇山如縈一川
渺瀰青鏡平雲翳不定天疑行
去船住船縱復橫日輝
迸射光晶晶逆聽萬古蒼蠅聲
眼穿故國喚不應鼎湖
龍升朝帝廷還領舊物蘇
函靈維先忠烈為列星侍堯
受命行專征今上移軍復四京
實遵天時協羣情不戰
自可屈人兵版圖悉更郡縣名
蛇荒鳥夷頌朔正禮樂

制度重修明漏泉沛澤江海傾小臣筆力鴻毛輕願書
詔命犇驛程滌洗臯青哀孤惇霜露所墜皆驩盈此意
一笑從誰評舊遊安期丹想成未須遣鶴來相迎我方
居園學長生後五百歲歸蓬瀛

韓子師尚書致仕

丈夫出處無兩岐彊自分別兒童痴鹿門龐老不願仕
名與諸葛爭驅馳天子從臣豈易得履聲已到黃金墀
堂堂文譽動宸極奕世長策歸論思攀轅卧轍昔人事

前日作州重見之萬口祝公猶在耳拜後爵土同封
緒餘間發有如此功業盛著庸何疑仙風却與松喬期
泛茗涉雪尋幽竒洞天白石人未省剪茅植樹親指麾
山靈地嫗許時秘恰與八座供娛嬉山適名人間臺榭八座
難頓著臨勝向背真天施霞晨霧夕更護耀鷗朋鷺導
欣逶迤鄉來韓必今復來飛雲八步長相隨上章乞身
世亦有髮落齒撼將何為公未五十方朱顏勇退奚俟
謀著龜九重嘉賞寵殊職百辟動色欽清規鉉也塵鞅

方羈縻先德未報鬢已絲高節凜凜端可師扣門糧休
千里齋一舸叫月從鷓鴣夷

張戶部惠山楊梅

嘗聞魏伯陽鑄丹會稽山功成試其徒未欲汎與餐給
言丹入口命盡不可還一人篤信道快餌肯作難翁復
起諸死攜手升雲鸞臨行作奇戲留使後世看聊將一
粒變萬顆擲向青林化珍果彷彿芙蓉箭鏃形澁如鶴
頂紅如火只隨翁字姑號陽姓楊乃是訛偏旁迄今年

深少人識地嫗山君應記得木生曲直味宜酸此獨甘
香勝蜜團吾宗望郎忽馳送色映筠籃光欲動想因見
此列宿躔曾遣冰壺纖指弄我方水際呼清風葛巾高
掛千丈松為公摘荷盛薦酒此樂城中那更有

石首春魚梅魚三物形狀如一而大小不同爾

因賦長篇

遐陬編戶居海濱不但生涯仰蝦蟹鬻鹽成雪雪成堆
清曝羣魚趨市賣其間石首最得名隨潮百萬輦鼓聲

長艫巨扁鬪截取急逐風便來王城頭中有物從何得
精衛含冤口拋石此魚腹小不容舟只把石吞那患迨
錯將轉上泥丸宮又疑當年漱石翁臨流快噉透入腦
化作鱗鬚金龍從子孫詵詵仍疊疊曰春曰梅俱可喜
醉鄉貪銜風味高失身盤膾杯羹裏先生赴晴携酒觴
柳色正似鵝兒黃與渠豈暇考族譜便結保社南湖傍
輒炊玉飯乘燕艇撐對柴門亂花徑併呼三子伴漁童
食肉諸公自時政

宿吳江華嚴院

宿雲蔽空溪溟濛我船曉繫紅蓼叢宿雨滑道樹漑漉
我車早轉青泥衝破程約涉一舍外遠目未快千山供
岸傍小店換馬去羶裘障冷披蒙茸須臾巾蓋不容展
莽莽暗霧逢逢風偕行客輿屢掀簸適值官騎來憧憧
刀弓負帶競硤砢驢駟驢駢駢爭前迭進步殊窘
迫暮始望橋垂虹石塘百丈捍駭浪間有難磧紛魚筒
鷗羣黑白混鷗起颿影亂點遙波中筆床茶竈住此地

得句未必慙龜蒙浮圖屋老且投宿解擔正聽黃昏鐘
紗籠炙燈照佛古展席布榻便吾慵酒邊紙盡莫翻寫
睡覺紅日生於東

山堂紀實

莓苔牆下斑斕長烟霏谷口依稀上晨輝逕奔

去聲鳥聲

來夕影屢逢蟾魄晃杖拖瘦路鳴敲鏗天台廬阜著脚
行中林穩置盤陀石並坐不與孤雲爭疎紅疊翠如先
有霜藤蔓緣驚蛇走枝枝葉葉巧相攬歲寒俱是論心

友菴前臺上晴最嘉數杯薄酒聊隨茶客來勸主主勸
客醉倒冠履從歌斜且道如今誇甚處見成不是虛排
句堂前新展假山詩約齋老子堂中住

種菊

今年植菊良寡謀叢萎滿望如田疇黃深白淺欠旌別
未表勁淨專高秋初移風雨連朝惡纔到暄晴驟開却
鋪氈未暇坐觀嬉携筇粗放行吟樂遊蜂冶蝶撥不開
粉翅雲動鳴輕雷霜前姿性本介潔肯受浼辱寧摧頽

道人猶揀鮮鮮藥銅餅換浸重添水一聲清磬曉窓深
香邊坐斷三千偈歌緣酒分從來輕正色已定十種名
來年自種先獻佛不應直為杯中物

楊秘監為余言初不識譚德稱國正因陸務觀
書方知為西蜀名士繼得秘監與國正唱和
詩因次韻呈教

人心懷感初因喜感到極時還墮淚亦猶雕琢用功深
自發詩中平淡意更須絕處悟一回方知迷夢喚醒來

今誰得此微妙法誠齋四集新板開我嘗讀之未盈卷

萬彙紛綸空裏轉君不見嚴陵使君斂眉頭清虛山水

吟兩秋

陸丈赴官陞辭日上曰嚴陵清虛之地卿可多作文

又不見國學先生離

丈句變現佛魔魔總去相逢三翁同肺腸江西吳蜀如一鄉只憐我似臭革囊任翁薰染終難香

張郎中尤少卿相繼過訪未果往謝先成古詩

寄呈

高標無過張戶部督賦文移多似雨侵晨徑造夢蝶床

冷坐譚詩捐俗語博聞無過尤少卿議禮辨析紛如爭
破午遠到煨芋室抵掌談事非今情夢蝶床前何所有
一盞木湯聊代酒煨芋室中殊可憐半椀草茶不直錢
登車出門尚回盼隣媪巷童驚走看雪寒水際正蕭條
安得騶呼連改觀世上塵勞忙若鑽想欲跳身脫羈絆
只堪告訴向梅花我是梅花千樹伴春風不覺園中換
刺字交馳煩則亂狂歌愈見野人真巨筆掀空合有神

秋風

秋風本自佳豈直令人悲連宵天上送好月我病偶失
登樓時長安城中少人詠風月似厭空相隨凌晨吹雲
滿虛際却向山頭移雨至老夫識破不生成愁黃葉堦前
從委地人生三萬六千日何苦區區論得失定將印綬
棄擲歸南湖秋風與我還相娛

同魏茂先潘茂洪泛湖終日

天將奇觀留東南波織翡翠山堆藍仙廬佛剎互入望
漁篷游舫遙相銜清愁閉戶孤晴色試逐薰風領佳客

平生行處後杯盤枯淡自甘先筆墨放船何處芙蓉開
綠幢翠葆從天來凌波生塵想遺珮撫檻徙倚心悠哉
秦關將種身九尺鬚繞茶烟閒虎戟潘君高隱百不知
酒酣慷慨乾坤窄空濛暮氣收斜陽柳色轉岸參差香
南漪杜鵑易檜海公子愛客邀舉觴畢逋棲烏噉城上
登車攬轡歸相望乘閒結伴須數來與往不煩拘定向

次茂洪韻

披嵐長嘯和巖洞衣汗未冷毛髮知貪奇苦戀足欲駐

擁鼻將返心還疑清音來賢祇過目亭下樹邊俱欠詩
歸輿漸受雨沾灑客盍轉適風傾歌出門倚澗得雄觀
放泉出匱供遊嬉勉賡新句未為報他年共隱非公誰

清音亭名也
來賢巖名也

戲贈楊伯時

楊侯相逢復見寒梅開鬢色不帶濃霜來君居山縣適
近我先壟夜半應望靈氣勃鬱纏崔嵬去年竹寺傾樽
罍官來急救老眼饑西樞相公喜人物搜材別扶英雄

窟蒼松腴硬久陰崖此亦鷗冠寧肯忽近聞一飯蒙異
恩快割好闕休馳奔我詩安得達相門春風後日自東
起太歲無緣只桃李

盧仝詩太歲只遊桃李
徑春風不管歲寒枝

以道學諭鳳口有感詩寫物記事備極詞情不
容繼和矣既辱珍示可無奉酬輒抒鄙懷次
韻且名以溪婦吟末章反正不忘風人之義
也

人間盛衰理甚明勢去有如湯沃水聽言一事足歎惋

恐君亦復傷中情行都赫奕名王第列屋珠璣多秀慧
主翁五十二本兵寵冠諸家當盛世其間屬意字以端
姿品高妍兼妙藝燕開雲幄萃親友艷陣香麝嘗竊睨
轉眼陳迹俱已休西風葉飛東水流相逢應怪我鬢改
貪情省認俄驚羞波明藏淚尚剪月山淺帶恨猶橫秋
失身何心養兒女啁啾耳厭山蠻語困居村店少人沽
飢餒腥鹹污盤俎無言脉脉話最深為君寫作溪婦吟
人生榮悴由分定有夫不必萌他心

贈道士張易

道人生長清淮西地荒戰血孤鬼啼飽知濁世一朝茵
擺落羈馮全天倪穿霞踏月半區宇山水名勝隨攀躋
我來欣逢大條左握手便許論刀圭藥珠七言素探討
敷析秘奧開羣迷綿綿玄牝幹兩曜夜半虛室騰虹霓
同居蜀客話清簡物理返笑莊生齊坳堂燭暗坐頃刻
石頭路淨緣高低傾壺隨意薦巖果不假沆瀣求交梨
他年相就養靈液肯復自棄淪塵泥蓬洲閬苑恣遊宴

有句更繼肩吾題

一日

一日不炷香已若神不清一日不覓句更覺身不輕是
身天地間假物舒其情君看屐與鍛自可了一生世上
紛紛蠻與觸兩眼看渠憐不足爐煙未斷詩已成更肯
愁吟頭白曲

次叔祖閣學暑中過清寒堂韻

人材掄選何時停高者棟負卑薪蒸我家忠烈定社稷

任大豈但懲與膺不毛夏渡瀘維水裂面夜踏滹沱冰
強敵坐致九頓首和議姑隨三折肱至今耆舊話曩昔
白髮相對搔鬚髻堂堂傳業翁克紹中宸委寄恩重仍
禁林延閣望隆積邊瑣輔鎮才優勝知閒未數持燭照
神專端與承蜩凝會堂風雲趣健步人則父子功儕朋
從容中的仰文翰仁者如射弓須弮為山簷外六月冷
興到不忍無詩登袖歸鉉得正法眼此事肯許叅禪僧

宿吳江縣

既望月輪遲未上更深潤港喧輕浪舟人慣夜自牽撐
却嫌炬火光搖晃長橋千柱過頃刻良久陰輝弄雲黑
漁家裏鮓縛蟹來波緊松鱸取艱得堤平步散情初適
此去垂虹纔咫尺登輿風力透衣綿俯檻波聲卷沙磧
商船魚貫昏煙隔天水難分但空碧三賢遠矣英爽存
來往頻年定相識興亡慨嘆終何益愚智俱為百年客
劃然長嘯起蛟龍共向吟牋飛霹靂

玉霄花

虛皇清晏仙班朝寶花隨現非根苗璆林瑤樹振靈響
飛彩燦菁輝蒼霄下憐人宇厭凡卉特許福地生芳條
細看纖潔謝丹粉仿像翠鬢森珠翹移來泉石助蕭爽
暗麝不必絺衣飄玉簪失素堂讓葉倚牆豈獨麾芭蕉
撤移舊居小假山過桂隱

頃年疊石規制陜大類堆沙戲成塔一株蟠桂兩穉松
便愛清陰蔓藤匝堦前指作寓華樣引賓紀詠紛酬答
遷巢城北倏兩期慣有真山坐延納人生最怕眼見廣

到處卑凡意難合每還舊舍覺荒陋草樹雖添漫稠雜
林塘移植勢定增未成已想風煙颭朝晴夕晦各異狀
倚杖間看更鋪榻園中勝賞亦甚富此獨宜茶兼酒榼
載來非敢傲奇章甲乙題朱旋塗蠟

崔慤畫雙鵝引雛

橫塘暮煙吹雨來白鵝叫風雙鵝想鵝兒力小立未定
偎母戀哺忘驚猜炎歊生欲逃天垓虛堂有此新圖開
蘆梢荷葉亦動蕩姑句未吐愁難裁

震澤戲書鵝鶴

市梢茅廩三兩間旁有數鵝行復還適從何來令威老
矯首便覺高情閒羣鵝不度風姿少罷亞相隨過汀草
令威流盼畧無言寄與誰知自瀛島少焉戛然鳴一聲
豈暇更顧兒童驚直上青天三萬丈鵝在人間誇字樣
程堯仲以揚秘監所贈詩見示因走筆次韻約

觀園中桂花

我家城中煙雲鄉秋風晴日十桂香交遊半是漁樵郎

門前水深通潮江和詩到此推硯牘必不能教鬼神哭
何如且向桂花中快瀉鵝黃入杯玉去年試君當夏初
知君直氣非狂夫平生批龍編虎鬚千言萬言長短書
誠齋許人以文字須待其人有餘味君今莫問且速來
不醉明朝花滿地

真珠園和淨慈僧韻

冒寒畦菜青黃色意到春風纔一息踏雪山僧折簡來
不學渡江携履隻我方開樽酒如泉浩然得味無中邊

何須隨喜楞伽講始似閒行白樂天

浮菴潔疾戲呈

黃埃簸空吹赫日白鳥不度瘖蟬聲先生出門數有礙
陋巷糞壤愁逢迎家山望斷圍修竹常說携書伴鳴犢
心無揀擇自清涼臭腐神奇總超俗

蔬飯

夜虹照飯光如玉春甌飮菜肥於肉周郎赤米太寒酸
潘令紫薑徒記錄饑創塞罷忘貪欲氣定徐行手摩腹

更能運任着衣裳聽爾計高三十六

病起見餅中蠟梅偶書

南湖地勝無凡木只說寒梅誇不足四般風韻兩般高
黃如蜂蠟白如玉餘品絳紅亦總嘉早開最喜黃白花
去年樹下看不厭吟興被壓空長嗟今冬一病恰半月
未暇尋梅踏殘雪數枝蠟藥忽先來吹香大慰經年別
道人不作羣兒癡三嗅喚醒勝良醫黃絹幼婦語難辨
一點自有無窮詩此機亦似維摩老何曾真難文殊倒

從茲不病是談禪
命花却為金色仙